


Canghgyah Cai Hwnjguh Mbanj Moq Nyaengqnyi Hoenghhwd

张家寨新农村建设如火如荼

Loz Mingzgauj iogj



Yiengh gaeuq aen mbanj caemh yins vunz.

Lungzlinz Gak Cuz Swciyen Dwzngoz Cin Denzba Cunh Canghgyah Cai seiz Ciuhmingz satbyai couh laeb mbanj lo, lizsij gyaenanz, dieg mbanj haijbaz 1600 lai mij, daengx mbanj miz 81 ranz 305 boux beixnuengx Myauzcuz comzyouq, gij ranz ndaw mbanj ing bya hwnjguh, baenz caengz baenz coij, caeuq gij gingj byasang faexheu seiqhenz doxdak doxdaengh, gig miz gij yienghsiengq gaeuqgeq sohswd de, ndaej haenh baenz dwg aen "Singzgeq Li'gyangh" Lungzlinz.

Canghgyah Cai vwnzva minzcuz cwkrom nanwt, gyoengq beixnuengx Myauzcuz ndaw mbanj daih dem daih gaengxyaek guhhong, caux baenz gij vwnzva minzcuz lai cungj lai yiengh de, ndawde seujsiuq Myauzcuz, labnyumx, fouxnyenz daengj doengh-gij feihvuzciz vwnzva yizcanj neix couh gyawjgyae cungj okmingz. Ngeihcib sigij caetcib nienzdaih, bouh denyngij okmingz 《Yihyen Max Doz》 gangjlwnh gij goj boux canghyw

Denhcinh caprag diegbya, naihaemz guhhong neix, couhdwg youq ndaw aen mbanj neix goepingj; Gvangicouh Densidaiz 《Ndawbiengz Baksak》 lanzmoeq couhdwg aeu aen mbanj neix guh gizdieg haifat lijyouz sengcingz daej goepingj.

Bi 2014 ndwen 4, youq Baksak Siveij, Swciyen Dangiveij yawjnaek bangcoengh lajde, Canghgyah Cai hainduj hwnjguh mbanj moq nyaengqnyi hoenghhwd hwnjdaej, gonqlaeng guh coihcingj ranzfaex, guh ranz moq, bouxvunz doenghduz gwn raemx, coih ranzvaih ranzyiemj, roen ndaw mbanj, roenbenjrin ndaw mbanj, diuzroen hopngomx aenmbanj, ranzyouq caeuq rienghdoenghduz gekfaen, dienhuemx gajguh, ndaw mbanj ndaem gova ndaan daengroen, gajguh diengzhaex, aendiengz yawj gingj, guhseuq guhcingh daengj 20 lai aen hanghmoeg, gyonjgyoeb roengzngaenz 700 lai fanh maenz, gawq ndaej hawj "aenmbanj Myauzcuz miz gij daegsaek ranzcaep minzcuz naekgywg,

doxdaeb doxing guh youq bangxbya caeuq gig miz gij yienghsiengq gaeuqgeq ndeyawj" de mbouj bienq, youh hawj aenmbanj engq moq engq gyaunde. Baenzneix guh le, Canghgyah Cai yienghsiengq engq ndeyawj engq yinxvunz, caemh ndaej gaijnde gij swngchancj swngghoz diuzgen vunzlai ndaw mbanj baenz haujlai. Seizneix, gij ranzfaex dang vax gwnz bangxbya de caeuq gij byasang faexheu seiqhenz doxdak doxdaengh, daegsaek ranzcaep engqgya yienhda.

Geij bi neix daej, Canghgyah Cai gaeng baenz le Lungzlinz caiqlj Guengjsae raeuz aen mbanj okmingz gig miz daegsaek Myauzcuz ndeu, dwg aen sukingj denjhingz gizdieg gyaunde beixnuengx Myauzcuz gwnyouq caeuq guhhong ndeu, moix bi cungj miz haujlai hekyouz, densidaiz, boux sij faenzcieng boux veh veh daengj bae ndaw mbanj yawjgingj, goepingj, damqcaz daengj, hawj ndaw mbanj yied daej yied nauhyied hoenghhwd.



▲ Beixnuengx Myauzcuz ndaw mbanj gaengxhong simsoh.



▲ Vunzmbanj seujsiuq dinfwngz soem.



▲ Lwngnyez youq henz mbanj doi vunz nae angqvauvau.



▲ Vehlab dwg labnyumx ndawde dangq hong daihdaez.



▲ Yiengh moq aenmbanj miz daegsaek.

► Bouxvehveh gyaez bae ndaw mbanj veh veh.



▲ Doukung aenmbanj caen yienhda.

